

Bases Desfile Carrozas e Comparsas Entroido 2019

1º) A Concellaría de Cultura e Festexos do Concello do Salceda de Caselas convoca o XXI Desfile de Carrozas e Comparsas que se realiza dentro do programa de actividades e espectáculos do Entroido 2019.

Neste desfile poderán inscribirse todas aquelas comparsas integradas por un mínimo de 15 compoñentes. No caso da participación de menores de idade debe acompañarse á solicitude unha autorización de participación asinada polos pais/nais de cada un/unha dos/das menores, eximíndose o Concello de toda responsabilidade derivada deste incumplimento.

Establécense dúas modalidades:

- Modalidade A: comparsas sen carroza
- Modalidade B: comparsa máis carroza

2º) As inscricións presentaranse no rexistro do Concello de Salceda de Caselas. As agrupacións de Salceda formalizarán a inscrición entre o 11 e o 17 de febreiro, e as dos demais municipios entre o 18 e o 24 de febreiro. As comparsas pertencentes a algunha asociación presentarán a solicitude a través da Sede Electrónica do Concello. Todas aquelas solicitudes presentadas fora de prazo non poderán optar ao premio por participación.

No momento de realizar a inscrición é preciso presentar a seguinte documentación:

PARA ASOCIACIÓNS:

- Solicitude de participación no desfile
- Fotocopia do CIF da asociación
- Certificado bancario do número de conta da asociación
- Fotocopia do DNI da persoa representante da asociación e documento acreditativo do seu nomeamento
- Listado de participantes no que apareza a data de nacemento da persoa de maior e a de menor idade.
- Autorizacións para a participación dos/das menores de idade asinadas polo pai/nai
- Nomeamento da persoa que formará parte do xurado

PARA COMPARSAS NON CONSTITUÍDAS COMO ASOCIACIÓN:

- Solicitude de participación no desfile
- Certificado bancario do número de conta da persoa representante
- Fotocopia do DNI da persoa que exerza como representante
- Nomeamento da persoa representante representante e autorización para que esta sexa quen cobre o premio, asinada por tódolas persoas participantes maiores de idade.

- Listado de participantes no que apareza a data de nacemento da persoa de maior e menor idade.

- Autorizacións para a participación dos/das menores de idade asinadas polo pai/nai

- Nomeamento da persoa que formará parte do xurado

O Concello, por motivos de seguridade e de organización, resérvase o dereito de reducir ou ampliar o prazo de inscrición.

Cada Asociación poderá inscribir unha soa agrupación baixo o seu nome.

3º) O desfile das comparsas celebrarase o domingo 4 de marzo. Se as condicións climatolóxicas non permiten a realización do desfile, este celebrarase o domingo 11 de marzo. A saída queda fixada para as 16:30 horas dende a Praza da Devesa, discorrendo o desfile pola Rúa Vigo, Avenida de Galicia, Rúa Victoriano Pérez Vidal, Rúa Rollo e Praza do Concello. As carrozas deben estar no lugar asignado da Praza da Devesa non antes das 15:00 nin despois das 16:00 horas e as comparsas ás 16:15 h. O retraso ou anticipo na chegada das carrozas conlevará redución no premio por participación, a razón de 5 € por cada minuto de diferenza.

4º) A orde de desfile das comparsas establecerase mediante sorteo nunha reunión que se celebrará o luns 26 de febreiro ás 19:00 na Casa da Cultura, á que deben asistir obrigatoriamente todas as comparsas que opten ao premio por participación.

5º) Cada comparsa terá un distintivo co seu nome e número de compoñentes visible na parte frontal da súa carroza. Así mesmo levará visible o cartaz co número de participante que lle será entregado na reunión do 26 de febreiro.

6º) Queda prohibido o uso de petardos, esprais ou lanzamento de obxectos perigosos ao público.

7º) As carrozas e comparsas levarán unha velocidade lenta para amosar o seu traballo, non podendo deterse durante o percorrido, salvo causa maior xustificada.

8º) Queda prohibido levar calquera tipo de animal na comparsa. Estes poderán levarse na carroza cumprindo sempre coas medidas de seguridade e hixiene precisas.

9º) As carrozas deberán levar os altofalantes dirixidos cara a súa propia comparsa ou cara os laterais. Quedan prohibidos os altofalantes dirixidos cara a comparsa anterior e posterior.

10º) As comparsas participantes deberán elaborar varias coplas que serán recitadas polos membros que cada comparsa considere oportunos na Praza do Concello unha vez rematado o desfile. A non participación no concurso de coplas conlevará a redución do premio por participación nun 50%.

11º) PAGAMENTOS POR PARTICIPACIÓN :

Establécense os seguintes pagamentos por participación:

Modalidade A:

- **Comparsas de 15 a 40 membros: 100 €**
- **Comparsas de 41 membros ou máis: 200 €**

Modalidade B:

- **Carroza e comparsa de 15 a 30 membros: 200 €**
- **Carroza e comparsa de 31 a 75 membros: 450 €**
- **Carroza e comparsa de máis de 76 membros: 700 €**

O pagamento por participación rematará no momento en que a cantidade a repartir por comparsas inscritas, según número de compoñentes e por rigoroso orden de inscrición, chegue á cantidade disposta polo Concello sendo o presuposto máximo a estes efectos de 8.000 €. Unha vez chegado a dito tope as comparsas que desexen participar no Entroido, poderán inscribirse sen opción ao premio por participación sempre e cando cumpran as bases.

O pagamento realizarase unha vez que as comparsas presenten no Concello, a través dos cauces establecidos, factura legal polo importe correspondente.

O número de compoñentes deberá figurar nun cartaz visible na carroza. Non obstante os compoñentes serán contados o día do desfile pola organización.

12º) Establécese como premio un xamón, donado por diversos establecementos hosteleiros de Salceda, para o mellor en cada unha das seguintes categorías:

- A mellor música en directo
- A mellor coreografía
- A comparsa máis festeira
- A comparsa con maior número de compoñentes
- O tema máis orixinal
- O mellor vestiario
- A mellor maquillaxe
- A mellor carroza
- As coplas máis divertidas
- As coplas mellor recitadas
- A persoa participante de maior idade

Para outorgar estes premios formarase un xurado composto por unha persoa designada para tal fin por cada unha das comparsas participantes. Dito membro quedará xa designado no

momento de inscribir a comparsa para o concurso. Os membros do xurado acudirán a unha reunión na Casa da Cultura o luns 26 de febreiro ás 19:30 horas, na que se explicarán os criterios de valoración e o sistema de votación das carrozas e comparsas.

No caso dos premios para as coplas o xurado estará composto por membros de asociacións do Concello de Salceda.

13º) Estas bases serán publicadas no taboleiro de edictos do Concello así como na páxina web (www.salcedadecaselas.gal).

13 º) O feito de participar supón a plena aceptación das presentes bases.

Don/Dona _____,
con D.N.I.: _____, teléfono _____ e correo electrónico
_____ en representación da comparsa denominada
_____, pertencente á
asociación _____, con enderezo en

Solicita a inscrición de dita comparsa no XXI Desfile de Carrozas e Comparsas organizado polo Concello de Salceda de Caselas e que se vai celebrar o vindeiro domingo 4 de marzo de 2019

Modalidade: ___ A (comparsa sen carroza) Nº de compoñentes: ___

___ B (comparsa máis carroza) Nº de compoñentes: ___

Adxúntase a seguinte documentación:

Asociacións:

- Nomeamento do representante cos seus datos de contacto
- Fotocopia do DNI do representante
- Fotocopia do CIF da Asociación
- Certificado do número de conta da Asociación
- Autorizacións para a participación de menores de idade (de ser o caso)
- Listado de participantes coa data de nacemento da persoas de maior e menor idade
- Nomeamento do membro do xurado cos seus datos de contacto
- Fotocopia do DNI do membro do xurado

Comparsas sen asociación:

- Nomeamento do representante cos seus datos de contacto
- Fotocopia do DNI do representante
- Certificado do número de conta do representante
- Autorización asinada por todos os membros da comparsa maiores de idade para que o pago do premio por participación sexa feito na conta do representante
- Autorizacións para a participación de menores de idade (de ser o caso)
- Listado de participantes coa data de nacemento da persoas de maior e menor idade

- Nomeamento do membro do xurado cos seus datos de contacto
- Fotocopia do DNI do membro do xurado

En Salceda de Caselas, a ____ de _____ de 2019

Asdo.: _____ (representante)

CONCELLEIRA DE CULTURA DO CONCELLO DE SALCEDA DE CASELAS



AUTORIZACIÓN DE PARTICIPACIÓN DE MENORES

Don/Dona _____, con DNI _____,
pai/nai/representante legal das/dos menores:

1.- _____

2.- _____

3.- _____

4.- _____

5.- _____

Autorizo a participación dos mesmos no XXI Desfile de Carrozas e Comparsas organizado polo Concello de Salceda de Caselas, que se vai celebrar o vindeiro domingo 4 de marzo de 2019.

En _____ a ____ de _____ de 2019

Asdo.: _____

NOMEAMENTO MEMBRO DO XURADO

Don/Dona _____, con DNI _____,
representante da comparsa _____, nomeo como
compoñente do xurado para o XXI Desfile de Carrozas e Comparsas organizado polo
Concello de Salceda de Caselas que se vai celebrar o vindeiro domingo 4 de marzo de 2019
a Don/Dona _____, con DNI _____,
teléfono _____ e correo electrónico _____

En _____, a ____ de _____ de 2019

Asdo.: _____

NOMEAMENTO REPRESENTANTE (ASOCIACIÓN)

Don/Dona _____, con DNI _____,
Presidente/a da asociación _____, nomeo como
representante de dita asociación para o XXI Desfile de Carrozas e Comparsas organizado
polo Concello de Salceda de Caselas que se vai celebrar o vindeiro domingo 4 de marzo de
2019 a Don/Dona _____, con DNI _____,
teléfono _____ e correo electrónico _____

En _____, a ____ de _____ de 2019

Asdo.: _____